



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones Benedicti XIV. ab Anno 1748. usque ad
Annum 1752 - Cum Supplemento ad Ann. 1742. 1745. 1746. & 1748

Luxemburgi, 1754

XXVII. Ad claudendas Portas Sanctas in Exitu Anni Jubilæi deputantur tres
Cardinales de Latere Legati. 7. Decembris 1750.

[urn:nbn:de:hbz:466:1-74772](https://nbn-resolving.org/urn:nbn:de:hbz:466:1-74772)

tenoribus, & formis, ac cum quibusvis etiam derogatoriis derogatoriis, aliisque efficacioribus, efficacissimis, & infolitis clausulis, irritantibusque, & aliis decretis, etiam motu proprio, & de Apostolica potestate plenitudine, ac consilialiter, & alias quomodolibet in contrarium præmissorum in genere, vel in specie concessis, & quantiscumque vicibus iteratis, approbatis, confirmatis, & innovatis; quibus omnibus & singulis, etiam pro illorum sufficienti derogatione de illis, eorumque totis tenoribus specialis, specifica, expressa, & individua, ac de verbo ad verbum, non autem per clausulas generales idem importantes, mentio, seu quævis alia expressio habenda, aut alia aliqua exquisita forma ad hoc servanda foret, tenores huiusmodi, ac si de verbo ad verbum, nihil penitus omisso, & forma in illis tradita observata, exprimerentur, præsentibus pro plenè & sufficienter expressis, & insertis habentes, illis aliàs in suo robore permanentibus, ad præmissorum effectum hac vice dumtaxat specialiter & expressè derogamus, ceterisque contrariis quibuscumque.

Mandatur publicatio harum Litterarum.

§. 3. Ut autem eadem præsentibus Literarum omnibus facilius innotescant, volumus illarum exempla ad dilectos Filios, Nostros & Apostolicæ Sedis Nuntios, ac Venerabiles Fratres Patriarchas, Archiepiscopos, Episcopos, aliosque Ecclesiarum Prælatos, & Locorum Ordinarios transmitti, qui illas quantocius publicare studeant. Ipsarum verò præsentium Litterarum Transumptis, seu Exemplis etiam impressis, manu alicujus Notarii publici subscriptis, & sigillo Personæ in Ecclesiastica Dignitate constitutæ munitis, eandem omninò fidem in iudicio, & extra illud ubicumque locorum haberi, quæ haberetur ipsis præsentibus, si forent exhibitæ, vel ostensæ.

Sanctio pœnalis.

§. 4. Nulli ergo omnino hominum liceat, paginam hanc Nostrorum indulti, statuti, decreti, concessionis, derogationis, & voluntatis infringere, vel ei ausu temerario contraire. Si quis autem hoc attentare præsumperit, indignationem Omnipotentis Dei, ac Beatorum Petri, & Pauli Apostolorum ejus, se noverit incursum.

Dat. Pontif. Anno X. die 12. Januarii 1750.

Datum Romæ apud S. Mariam Majorem Anno Incarnationis Dominicæ millesimo septingentesimo quinquagesimo, pridie Idus Januarii, Pontificatus Nostri Anno Decimo.

D. Card. Passioneus.

J. Datarius.

VISA DE CURIA.

J. C. Boschi.

J. B. Eugenius.

Loco ✱ Plumbi.

Registrata in Secretaria Brevium.

Publicata die 19. Januarii 1750.

Ad claudendas Portas Sanctas in exitu Anni Jubilæi deputantur tres Cardinales de Latere Legati in Consistorio Secreto Feria 2. die 7. Decembris 1750.

Venerabiles Fratres.

IN Consistorio secreto habito feriâ secundâ die prima Decembris Anni mox elapsi, Vobis annuntiavimus, Nos in pervigilio Natalis Domini Portam Sanctam Basilicæ Vaticanæ esse reclusuros, prout, Deo adjuvante, reclusimus. In eodem Consistorio elegimus Nostros a Latere Legatos Cardinalem Thomam Rufum, Episcopum Ostiensem, & Veliternum, Sacri Collegii Decanum, ut nomine Nostro aperiret Portam Sanctam Basilicæ Sancti Pauli; Cardinalem Nerium de Corsinis Diaconum S. Eustachii, & Archipresbyterum Basilicæ Lateranensis, ut nomine Nostro dicte Basilicæ Portam Sanctam recluderet; denique Cardinalem Hieronymum Columnam Diaconum S. Angeli in Foro Piscium, & Liberianæ Basilicæ Archipresbyterum, ut nomine Nostro Portam Sanctam prædictæ Basilicæ aperiret. Aperuerunt, & Plenariam Indulgentiam Populo, qui presens aderat, simul cum Apostolica Benedictione, auctoritate Nostra elargiti sunt. In Pervigilio imminenti Festivitatis Nativitatis Domini Nostri Jesu Christi, more solito, claudemus Portam Sanctam Basilicæ Vaticanæ. Nunc autem eosdem Cardinales, quos deputavimus de Latere Legatos, ut Portas Sanctas Basilicarum Sancti Pauli, Sancti Joannis in Laterano, & Sanctæ Mariæ Majoris nomine Nostro aperirent, eligimus, & deputamus in Cardinales de Latere Legatos, ut nomine Nostro unumquique Portam Sanctam, quam aperuit, claudat; unicuique eorum auctoritatem attribuentes elargiendi populo præsentis Plenariam Indulgentiam unâ cum Apostolica Benedictione. Et quemadmodum ipsos in accessu ad aperitionem Portarum Sanctarum dispensavimus ab Equitatus solemnibus pompâ, quæ ex Vaticano Cardinales de Latere Legati proficisci solebant, & concessimus, ut unumquique ad suam Basilicam se conferret ex propriis Ædibus curru delectus, suoque nobili comitatu stipatus; hoc ipsum ut fiat, etiam nunc indulgemus, cum in imminenti Pervigilio Nativitatis Domini ad sibi designatam Basilicam unumquique accessurus est, Portam Sanctam clausurus.

Cum autem prædictus Reverendissimus Cardinalis Rufus Decanus, ob valetudinis incommodum, excusationem ab injuncto munere obtinisset; Sanctitas Sua sequentem Syngrapham ad Reverendissimum D. Petrum Aloysium Episcopum Albanensem S. R. E. Cardinalem Carafa nuncupatum conscribi mandavit.

Dalla Segreteria di Stato li 16. Dicembre 1750.

Esfendosi degnata la Santità di Nostro Signore di dispensare il Protettore della Congregazione Cassinense di fare la Funzione di chiudere la Porta Santa nella Basilica di S. Paolo in vece dell'Eminentissimo Signore Cardinal Decano, che si è preventivamente scusato, mi hà in seguito sua Beatitudine coll'Oracolo della viva voce ordinato di significare a Vostra Eminenza, di averla prescelta a fare la suddetta Funzione; accordandole perciò il Titolo di Legato a Latere colle Facoltà di chiudere l'accennata Porta Santa, e di benedire il Popolo con l'Indulgenza Plenaria in forma di Giubbileo. Tanto eseguisco, e resto

baciando

baciando all' Eminenza Vostra umilmente le mani.

D. V. E.

Umō Deūmo Servo
S. Cardinalē Valenti.

XXVIII.

Extensio Universalis Jubilæi in Urbe celebrati Anno Domini Milleſimo ſeptingenteſimo quinquageſimo, ad univerſum Catholicum Orbem.

BENEDICTUS EPISCOPUS,

*Servus Servorum Dei. Univerſis Chriſtifi-
delibus præſentes Litteras inſpecturis, ſalu-
tem & Apoſtolicam Benedictionem.*

Proceſſum.
Pontificis
gaudium de
celebratione
Jubilæi in
Urbe cum
magno Reli-
gionis fructu
ſequuta.

Benedictus Deus, Pater miſericordiarum, & Deus totius conſolationis, qui dedit Nobis elapſum Jubilæi Annum, ſecundum deſideria cordis Noſtri, per omnia felicem, fauſtumque tranſigere. Repleti ſumus conſolatione, ſuperabundavimus gaudio, dum toto hujus Anni decurſu, Dilectorum in Chriſto Noſtrorum Eccleſiæque Filiorum fidem, religionem, pietatemque perſpeximus. Vidimus conſuentes ad hanc Urbem Noſtram innumeros ex omni lingua, & populo, & natione, ex omni ordine, ætate, ac ſexu, Chriſtifideles, qui ipſo ſuo adventu, & propriæ fidei fervorem, & amplitudinem Regni Dei teſtabantur. Eoſdem vidimus ad ſacra ejuſdem Urbis Tempia certatim accurrentes, in ſpiritu contrito & humiliato, animarum ſuarum expiationi conſulere, & ſicut olivarum novellas in circuitu Menſæ Domini, vivifica Chriſtiæ unitatis, & pacis Sacramenta percipere: Tum etiam impigro ſtudio, & religioſa frequentia, ab una ad alteram ſapè procedentes Eccleſiam; nunc in Conſtantiniana Lateranenſi Baſilica, Salvatoris Noſtri Clementiam, per merita ipſius Beati Præcurſoris, ejuſdemque Dilecti Diſcipuli & Evangeliſtæ exorantes; nunc in Liberiana Æde in Exquilis, glorioſæ Virginis Dei Genitricis opem atque præſidium implorantes; nunc Sacram Apoſtolorum Principis Confeſſionem in Vaticano; nunc viâ Ollienſi Doctōris Gentium Martyrium oſculantes, uberibuſque lacrymis perfundentes, pro Eccleſiæ Catholice pace, & exaltatione, cunctorumque credentium incolumitate, & ſalute, unanimis ferventesque preces effundere. Quo ſpiritali gaudio auribus Noſtris audivimus ejuſdem Urbis vias, & fora, areas, & colles, piis præcationibus, ſuavibus canticis, ac Divini Nominis laudibus perſonare! Quoties commota ſunt paterna viscera noſtra, dum confertiſſimos vidimus Fidelium greges, Noſtris pedibus circumſuſos, in perſona humilitatis Noſtræ, Vicariam Chriſti poteſtatem venerari, ac Beati Petri Apoſtolum, cujus Dignitas in indigno hærede non deficit, effuſis filialis obſequii ſignificationibus proſequi! His populorum flagrantibus ſtudiis Sacrorum præluxerunt exempla Paſtorum, qui ad honorandam de morè memoriam ejuſdem Beatiffimi Eccleſiæ Principis, hoc Anno poſſimè frequentes ſe contulerunt, & quorum Nos ſplendidâ coronâ ſtipati, ſacros Conventus maxima cum dignitate, univerſæque Fraternitatis ædificatione, celebravimus. Quid verò dicemus de Venerabilibus Fratribus Noſtris Sanctæ Romanæ Eccleſiæ Cardinalibus, aliſque Curie Noſtræ Proceribus, qui piorum operum aſſiduitate cæ-

teris præeuntes, ſimulque Chriſtiæ humilitatis exercitationibus infra quocumque, licet abjectæ ſortis, Fratres ſede demittentes, Chriſti bonus odor facti ſunt univerſæ Civitati, & omnibus, qui fuerunt in ea? Quid demum de totius dilectiſſimæ Urbis Cleri, ac Populi devotione narrabimus, cujus pietatis exempla, cujus charitatis officia erga advenas & peregrinos, hoc Anno præſertim largiter ac ſedulò impenſa, in univerſo mundo annuncian- da fore non dubitamus? Benedicti Filii Noſtri, Romanæ Urbis Cives & Incolæ, qui fecerunt hanc miſericordiam cum Fratribus ſuis. Nos autem confitebimur Domino, quoniam benignus eſt, quoniam conſolationes ejus lætificaverunt animam Noſtram.

§. 1. Sed præterea magna a Nobis ſpes jure ac merito concepta eſt, eundem clementiſſimum Dominum, imploratam votis Noſtris miſericordiam ſuam Nobis oſtenſurum, idque demum Eccleſiæ ſuæ largiturum fure, quod tam concordibus ſtudioſiſque obſecrationibus a ſe poſtulari conceſſit: ut ſcilicet Eccleſiam ipſam Catholicam, & Regnum Filii ſui, per totum terrarum Orbem, & ſancitate, & amplitudine exaltet; ut cunctis Mundum purget erroribus; ut inter Chriſtianos Principes concordiam, & pacem conſirmet; univerſamque Chriſti ſui plebem ab omni mundana adverſitate defendens, ad æternæ ſalutis portum dirigat, atque perducatur. Quod ut ab eodem Deo Optimo Maximo ſidentius petere audeamus, de prædictorum Fratrum Noſtrorum Sanctæ Romanæ Eccleſiæ Cardinalium conſilio, decrevimus, Univerſos Chriſtifideles, qui ubique locorum & gentium unius Fidei communionem Nobis junguntur, in huiusmodi vororum ſocietatem adſcire, apertoque largius Indulgentiarum Theſuro, efficaciter invitare; ſperantes fore, ut dum ad id aſſequendum, animarum ſuarum maculas per penitentiam eluendo, ſe comparabunt, ac pio devotionis affectu ferventes, debitæque erga Sedem Apoſtolicam obſervantiæ ſpecimen in hoc ipſo præferentes, injuncta pietatis & religionis opera exercent; & ſinguli in ſemetiſiſ id, quod pro aliis poſtulabunt, obtineant; & quas pro Fratribus preces ſupplicationeſque offerent, eidem bonorum omnium largitori, innocentia & charitatis ſuæ merito commendent.

§. 2. Itaque de Omnipotentis Dei miſericordia, ac Beatorum Petri & Pauli Apoſtolorum ejus auctoritate conſiſti, ex ſuprema ligandi atque ſolvendi poteſtate, quam Nobis Dominus, licet indignis, contulit, omnibus & ſingulis utriuſque ſexus Chriſtifiſidelibus, in quamcumque Mundi parte exiſtentibus, & in Apoſtolicæ Sedis gratia & obedientia manentibus, etiam iis, qui forſan elapſo Anno Romam venerunt, ibique, ſeu alibi, quavis ratione, hoc idem Jubilæum a Nobis conſeſſum adepti ſunt, verè penitentibus, & conſeſſis, & ſacrâ Communionem reſectis, qui intra ſex meſes, a die publicationis præſentium in qualibet Diceceſi faciendæ computandis, Eccleſiam ipſius Cathedralē, ſeu Majorem, aliſque tres ejuſdem Civitatis, aut Loci, ſive in illius Suburbis exiſtentes, ab Ordinariis Locorum, vel eorum Vicariis, aliſve de ipſorum mandato, designandas, ſemel ſaltem in die, per quindecim continuos, vel interpolatos dies, ſive naturales, ſive etiam Eccleſiaſticos, nimirum a primis Veſperis unius diei, uſque ad integrum ipſius ſubſequentis diei veſperinum crepuſculum, devotè viſitaverint, ibique pro Sanctæ Matris Eccleſiæ exaltatione, Hæreſum extirpatione, Catholicorum Principum concordia, & Chriſtiani populi ſalute & tranquillitate, piis ad Deum preces effuderint, ut pleniffimam

Cauſe exten-
ſionis Jubilæi
ad univerſum
Catholicum
Orbem.

Indulgentia
Plenaria con-
ceditur im-
plicitibus
opera hic de-
ſignata, &
injuncta.

ejuſdem